



Naka le Nala ba bua ka lefaufau

Refilwe Ramagoshi

Busisiwe Ndlovu





Nala le Naka ba kwa kampeng ya sekolo.

Ba tlhoma ditente tsa bona mme ba bogela letsatsi le le tukang fa le dikela.

“Le lentle,” ga fegela Nala ka boitumelo.



Ba lebile letsatsi le kotlomela kwa tlase kwa bokgaleng ba bodikela.

“Ngwedi o feletse bosigong jo,” Naka a lemoga se fa ngwedi o rotoga kwa botlhaba.




Bana ba kaname go ithuta legodimo bosigo.

“Ija, go na le dinaledi tse dintsi, mme di benya jaaka ditaemane!” ga tsibosa Naka.




A re, “Ngwedi o benya ka gonne o tsabakela ka lesedi la letsatsi. Fa ngwedi o feletse, go lebega ekete ngwedi otlhe o tshubile.”




Nala o dumelana le ena, “Ngwedi o dikologa lefatshe. Ka dinako dingwe re kgona go bona fela karolo ya ngwedi e kganya, mme e lebega jaaka panana.”



O a tswelela, “Ngwedi o lebega jaaka kgwele ya dinao fa o feletse. Fa kgwedi e feta, re bona seripa sa ngwedi, le popego ya panana.”




Naka a bua ka boipelo, "Ke itsitse jalo! Ke itse gape gore ngwedi o dikologa lefatshe, mme mmogo di dikologa letsatsi."




Nala a nyenya, “A o ne o itse gore letsatsi ke naledi?”

A tlaleletsa, “Letsatsi ke naledi e kgolokgolo ya digase tse di tukang, di dira lesedi le mogote.”



Naka a lemoga, “Kwa ntle ga dipone tsa toropo, re bona legodimo sentle. Lefaufau le simologa kwa godimo ga tthatlhagano ya mowa go dikologa lefatshe, fela lefaufau le felela kwa kae?”



Nala a nyenya, "Re tla nna borralefaufau mme ra tsamaya ka sesuthalefaufau se se lebelo. Re tla feta dipolanete le dinaledi tse di kgakalakangakala. Mme re tla itse kwa lefaufau le felelang."

—Dipotso

1. Kgang e e ka ga bomang? Ba dira eng?
2. Ngwedi o o feletseng ke eng? O thale.
3. Ngwedi o rotoga kwa kae?
4. Ke naleli efe e e gaufi le lefatshe?
5. Go na le dipolanete tse 8. Batla maina a tsona.
6. Thala setshwantsho sa letsatsi le dipolanete.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



Your attribution should include the following:

Title: Naka le Nala ba bua ka lefaufau

Author/s: Refilwe Ramagoshi


Illustrator/s: Busisiwe Ndlovu

Assurer/s: Glanice Masilo, Dineo Moatshe

Language: Setswana

© Zenex Foundation - Saide 2023

CC BY includes the following elements:

BY  - Credit must be given to the creator

